

## Acehnese - Agape Alkitab - God's Love Letter Scriptures

**Yahya 15:9** Lagée Bapak geugaséh keu Ulôn, meunan kheueh Ulôn gaséh keu gata. Bah kheueh gata teutab udeb lagée ureuëng nyang Ulôn gaséh.

**Nabi Yesaya 43:1** Israel, meunoe kheueh feureuman TUHAN, "Ulôn kheueh nyang peujeuet dan nyang peugét gata, bék teumakot, gata pasti Lôn peuseulamat! Ulôn ka Lôn hôi gata deungon nan gata, gata na kheueh milék Ulôn.

**Nabi Yeremia 1:5** "Sigohlom Lôn cebta gata lam pluet ma gata, dan sigohlom gata lahé u ateueh rhueng donya nyoe, Ulôn ka Lôn piléh dan Lôn baiát gata mangat jeuet keu nabi keu bansa-bansa."

**Yahya 15:16** Kon gata nyang piléh Ulôn. Ulôn kheueh nyang piléh gata, dan nyang yuejak gata mangat jimuboh le -- boh nyang hana hase binasa. Teuma Bapak geubri keu gata peue mantong nyang gatalakée bak Gobnyan ateueh nan Ulôn.

**3 Yahya 1:2** meudoá kheueh mangat Gata na lam keuadaan seuhat sabe dan banmandum gét-gét ngon gata, saban lagée jiwa gata gét-gét mantong.

**Nabi Yesaya 43:4** Gata na meuyuem bak mata Lôn, Ulôn hareuga dan Lôn gaséh ubak gata; teuma Ulôn bri manusia sibagoe geunantoe gata, bansa-bansa sibagoe geunantoe nyawöng gata.

**Nabi Yeremia 31:3** phon rot jiôh ka Lôn peuleumah droe ubak awaknyan. He umat Israel, yoh dilée sabe Lôn peuleumah gaséh sayang Lôn bak gata, dan óh lheuehnyan teuma teutab Lôn tunyok gaséh sayang Lôn keu gata.

**Hosea 11:8** TUHAN meufeureuman, "He Israel, hana mungken gata Lôn peubiyeu atawa Ulôn tinggai. Peu kheueh mungken gata Ulôn peuhabéh lagée Adma? Atawa Ulôn peusaneut lagée Zeboim? Hana trok até Lôn peubuet nyang lagée nyan, sabab cinta Ulôn lumpah that raya keu gata!

**Yahya 3:16** Sabab Po teu Jehovah lumpah that geugaséh keu manusia lam donya nyoe, nyang kheueh Gobnyan geubri Aneuëk Gobnyan nyang tunggai, mangat tieb-tieb ureuëng nyang meuiman ubak Gobnyan hana binasa, teuma meuteumé udeb seujati dan keukai.

**Nabi Yesaya 49:15,16** TUHAN geujaweueb sira geupeugah, "Peu kheueh mungken sidroe ma jituwoe keu aneuëk jih, dan hana jigaséh keu aneuëk droe jihnyan? Bahpi aneuëk nyan jituwoe keu ma jih, Ulôn teuma Lôn tuwoe keu gata! 16 Yerusalem, Ulôn sabe lam ingat ubak gata; nan gata Lôn uke lam paleuet jaroe Lôn.

**Nabi Yesaya 41:13** Sabab Ulôn, TUHAN, Jehovah gata, nyang mat jaroe uneuen gata; Ulôn peugah, 'Bék takot, Ulôn teuma Lôn tulông gata.' "

**Matius 28:20** Purunoe kheueh awaknyan jitaát banmandum nyang ka Lôn peurintah ubak gata. Dan ingat kheueh Ulôn teuma na sabe meusajan gata sampoe akhé jamén."

**Yahya 14:1 "Bék sosah até gata," kheun Isa bak awaknyan. "Meuiman kheueh ubak Jehovah, dan meuiman kheueh teuma ubak Ulôn.**

**Nabi Yesaya 41:14 Feureuman TUHAN, "Bék takot, Israel, bahpih gata ubit dan leumoh. Ulôn kheueh TUHAN nyang tulông gata, Nyang Mahakudus, Po teu Jehovah Israel na kheueh nyang peuseulamat gata.**

**Nabi Yesaya 43:2 Meunyoe gata neujeumeurang ié, Ulôn teuma na meusajan gata, gata hana teuma karam dipat mantong gata meuteumé susah. Meunyoe meulalu apui, gata hana teuma angöh, cubaan-cubaaan nyang brat hana teuma ceulaka gata.**

**Zabur 23:1-6 Zabur Nabi Daud. 2 Gobnyan geupeu éh ulôn di ateueh blang naleueng nyang ijo. Dan geubimbéng ulôn ubak ié nyang teunang. 3 Geubri keulôn teunaga nyang barô, dan geupapah ulôn ubak rot nyang beuna, nyang sisuai deungon janji Gobnyan. 4 Bahpi ulôn rhot lam barieh nyang seupôt, teuma diulôn hana lôn takot keubahya, sabab Droeneueh nyang jeuet keungon ulôn. Droeneueh neulindong ulôn lagée ureuëng meurabe jijaga bubiri jih deungon tungkat dan gada. 5 Droeneueh nyang keubah khanuri keu ulôn dikeue mata lawan ulôn. Droeneueh neusambot ulôn lagée jamé nyang mulia. Droeneueh nyang peuhidang keu ulôn ié jieb nyang lazat meulimpah ruah. 6 Ulôn teupeue Droeneueh jroh keu ulôn, dan sabe neugaséh keu ulôn. Teuma ulôn jeuet tinggai di Baét Droeneueh, simantong ulôn udeb.**

**Yahya 14:27 Seujahteura Ulôn tinggai bak gata. Seujahteura Ulôn keudroe nyang Ulôn bri keu gata, nyang Ulôn bri nyan bukon lagée nyang jibri lé donya keu gata. Bék apoh apah dan bék teumakot.**

**Filipi 4:7 Teuma seujahteura nyang teuka nibak Jehovah hana mungkin hase jimuphom lé manusia, teuma jeuet até dan pikeran gata nyang ka meusaboh ngon Isa Almaseh.**

**Amsal 3:24 Gata teuma tajak éh deungon hana teurasa teumakot, gata ta teungét meuseuneunya simalam beungoh hana nyang peukaru gata.**

**Zabur 4:9 Dan ulôn pi teu-éh dan teungéut deungon teuntram, sabab Droeneueh, ya TUHAN, neupeujeuet udeb ulôn nyoe aman!**

**Zabur 33:18 TUHAN geujaga ureuëng-ureuëng nyang taqwa nyang meuharabkan geunaséh Gobnyan.**

**Roma 5:2 Ngon sabab nyan tanyoe meuiman ubak Isa. Deungon na lagée nyan teupeu mungkin tanyoe tahayati geunaséh Jehovah, dan geunaséh nyan kheueh tanyoe udeb bak saát nyoe. Ngon sabab nyan tanyoe meugalak até sabab geutanyoe na harapan bahwa tanyoe teuma tarasa keubahgiaan nyang geubri lé Jehovah!**

**Nabi Yesaya 55:12 Gata tatinggai Babel deungon sukacita, dan ji intat uluwa deungon seulamat. Gunong dan bukét meugeumbira dan meusurak ria, bak-bak kayée nyang na di blang jipok-pok jaroe.**

**Yahya 16:22 Meunan cit deungon gata: Jinoenyoe gata meusosah até, teuma**

**Ulôn meurumpok lom ngon gata, teuma até gata teuma mangat; dan hana meusidro pi nyang hase jicok nyang mangat nyan lam até gata.**

**Lukas 12:9 Teuma ureuëng nyang bantah Ulôn dikeue rakyatba bahwa jihnyan geubantah murit Ulôn, jihnyan geubantah cit teuma lé Aneuëk Manusia dikeue malaikat-malaikat Jehovah.**

**Matius 10:30 Padub na lé jeumeulah ôk bak ulée gata pih ka geubileueng.**

**Nabi Yesaya 54:10 Bahpi gunong-gunong dan bubena bukét meuguncang, Ulôn hana Lôn piôh Lôn gaséh gata. Peujanjian damé Lôn teutab Ulôn mat sabe." kheun TUHAN nyang geugaséh gata.**

**Matius 11:28-30 Tajak kheueh ubak Ulôn he gata bandum nyang reuôh reuah, dan nyang teurasa beuban teuh brat; Ulôn teuma nyang peupuih rukueng gata. 29 Seutôt kheueh peue-peue nyang Ulôn peurintah dan meurunoe kheueh ubak Ulôn. Sabab Ulôn nyoe leumoh leumbot dan miyueb até, teuma gata meurasa mangat. 30 Sabab peue-peue nyang Ulôn peurintah keubiet mangat lumpah na, dan beuban nyang Ulôn keubah ateueh gata nyan phui lumpah na."**

**Seulaweut Agong 2:10 Deungoe, geunaséh ulôn geupeugah haba ubak ulôn.**

**Agam Teuka kheueh hai maméh ulôn, jak kheueh keunoe hai jeulita lôn!**

**Hosea 2:14,19,20 TUHAN meufeureuman, "Sabab nibak uroenyan Ulônba jihnyan u padang pasi; disideh jihnyan Lôn bujuk deungon tutoe haba cinta. 19 He Israel, gata Lôn peujeuet keu peurumoh Lôn, peurumoh nyang sah keu siumu masa. Gata Lôn gaséh dan Lôn cinta sabe; Ulôn kupeubuet jujoe dan seutia. 20 Lagée nyang ka Ulôn peujanji, gata Lôn meukawen, gata ta aku Ulôn sibagoe TUHAN gata keudroe.**

**Keuaran 3:14 Feureuman Jehovah, "Ulôn na kheueh ULÔN NA. Nyoe kheueh nyang harôh gata peugah ubak bansa Israel, Gobnyan nyang teupeugah ULÔN NA, ka geu-utus Ulôn ubak gata.**

**Hosea 13:4 TUHAN meufeureuman, "Ulôn kheueh TUHAN Jehovah gata, nyang ba gata peuteubiet nibak nanggroe Meusé. Gata hana le Jehovah teuh nyang laén seulaén Ulôn. Ulôn kheueh sidroe kong nyang hase peuseulamat gata.**

**Yahya 15:14 Gata na kheueh sabbat-sabbat Ulôn, meunyoe gata tapeubuet peue nyang Ulôn peurintah bak gata.**

**Wahyu 3:20 Ngieng kheueh! Ulôn dong bak babah pintoe dan Lôn keutok. Meunyoe na ureuëng nyang jideungoe su Lôn, dan jipeuhah pintoe, Ulôn teuma kutamong jak meurumpok ngon jihnyan; Ulôn teuma ku makheun meusajan-sajan ngon jih nyan dan jih nyan jimakheun teuma meusajan-sajan ngon Ulôn.**